




СЛУЖБЫ
ПЕРВОЙ СЕДАВИЦЫ
ВЪЗЛИКОГО ПОСТЯ

КНИГА ВТОРАЯ


УДК 264-1
ББК 86.372
С49

Изданию присвоен номер Издательского совета
ИС Р20-940-3582

С49 Службы первой седмицы Великого поста: В 2 кн. — Кн. 2. —
4-е изд. испр. — М. : Издательство Сретенского монастыря, 2020. —
384 с.

ISBN 978-5-7533-1596-0 (кн. 2)
ISBN 978-5-7533-1594-6

© Сретенский монастырь,
состав, макет, оформление, 2020



СЛУЖБА
в четверг первыя седмицы
святаго Великаго поста
ПОСЛЕДОВАНИЕ УТРЕНИ

Священник: Благословѣн Бог наш всегда, ныне и присно и во веки вековъ.

Чтец: Аминь.

Святѣй Бѣже, Святѣй Крѣпкій, Святѣй Безсмѣртный, помилуй нас. (Трижды.)

Слава Отцѹ и Сыну и Святѣму Дѹху, и ныне и присно и во веки вековъ. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святѣй, посети и исцели немощи наша, имени Твоего ради.

Господи, помилуй. (Трижды.)

Слава Отцѹ и Сыну и Святѣму Дѹху, и ныне и присно и во веки вековъ. Аминь.

Отче наш, Иже еси на небесѣх! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должникомъ нашим; и не введи нас во искушение, но избави нас от лукаваго.

Священник: Яко Твое есть Царство и сила и слава, Отца и Сына и Святаго Дѹха, ныне и присно и во веки вековъ.

Чтец: Аминь.

Господи, помилуй. (12 раз.)

Сла́ва Отцу́ и Сыну́ и Свято́му Ду́ху, и ны́не и при́сно и во ве́ки веко́в. Ами́нь.

Приидите, поклонимся Царéви нашему́ Бо́гу.

Приидите, поклонимся и припаде́м Христу́, Царéви нашему́ Бо́гу.

Приидите, поклонимся и припаде́м Само́му Христу́, Царéви и Бо́гу нашему́.

Псалмы 19 и 20.

Услы́шит тя Госпо́дь в день печа́ли, защíтит тя и́мя Бо́га Иа́ковля. По́слет ти по́мощь от Свята́го и от Сио́на засту́пит тя. Помяне́т вся́ку же́ртву твою́, и всесо́жжение твое́ ту́чно бу́ди. Даст ти Госпо́дь по се́рдцу твоему́ и весь сове́т твой испо́лнит. Возра́дуемся о спасе́нии твоем и во и́мя Господа́ Бо́га нашего́ возвели́чимся. Испо́лнит Госпо́дь вся проше́ния твоя. Ны́не позна́х, я́ко спасе́ Госпо́дь христа́ Своего, услы́шит его́ с небесе́ свята́го Своего, в си́лах спасе́ние десни́цы Его́. Си́и на колесни́цах, и си́и на ко́нех, мы же во и́мя Господа́ Бо́га нашего́ призове́м. Ти́и спя́ти бы́ша и падо́ша, мы же воста́хом и испра́вихомся. Господи, спаси́ царя́ и услы́ши ны, во́ньже а́ще день призове́м Тя.

Господи, си́лою Твое́ю возвесели́тся царь и о спасе́нии Твое́м возра́дуется зело́. Желáние се́рдца его́ дал еси́ ему́, и хоте́ния устну́ его́ неси́ лиши́л его́. Я́ко предвари́л еси́ его́ благослове́нием благосты́нным, положи́л еси́ на главе́ его́ вене́ц от ка́мене че́стна. Живота́ проси́л есть у Тебе́, и дал еси́ ему́ долготу́ дний во век ве́ка. Ве́лия сла́ва его́ спасе́нием Твои́м, сла́ву и велеле́ние возложи́ши на него́. Я́ко да́си ему́ благослове́ние во век ве́ка, возвесели́ши его́ ра́достию с лице́м Твои́м. Я́ко царь упова́ет на Господа́, и ми́лостию Вы́шняго не подви́жится. Да обря́щется рука́ Твоя́ всем враго́м Твои́м, десни́ца Твоя́ да обря́щет вся ненави́дящая Тебе́. Я́ко положи́ши их я́ко пещь о́гненную во вре́мя лица́ Твоего́, Госпо́дь гне́вом Своим смяте́т я́, и снесет их о́гнь. Плод их от земли́ погуби́ши, и се́мя их от сыно́в чело́-

вѣческих. Яко уклонѣша на Тя злая, помыслиша советы, ихже не возмогут составити. Яко положиши я хребѣт, во избытцех Твоих уготоуши лице их. Вознесѣся, Господи, силою Твоею, воспоём и поём силы Твоя.

Слава Отцѹ и Сыну и Святому Духу, и ныне и присно и во веки веков. Аминь.

Святы́й Бо́же, Святы́й Кре́пкий, Святы́й Безсме́ртный, поми́луй нас. (Трижды.)

Слава Отцѹ и Сыну и Святому Духу, и ныне и присно и во веки веков. Аминь.

Пресвята́я Трои́це, поми́луй нас; Господи, очисти грехи́ на́ша; Влады́ко, прости́ беззаконія на́ша; Святы́й, посети́ и исцели́ немо́щи на́ша, и́мене Твоего́ ра́ди.

Господи, поми́луй. (Трижды.)

Слава Отцѹ и Сыну и Святому Духу, и ныне и присно и во веки веков. Аминь.

Отче наш, И́же еси́ на небесе́х! Да святѣ́тся и́мя Твое́, да прии́дет Ца́рствие Твое́, да бу́дет во́ля Твоя́, яко на небеси́ и на земли́. Хлеб наш насущный даждь нам днесь; и оста́ви нам до́лги на́ша, якоже и мы оставля́ем должни́ком на́шим; и не введи́ нас во искуше́ние, но изба́ви нас от лука́ваго.

Священник: Яко Твое́ есть Ца́рство и си́ла и сла́ва, Отца́ и Сы́на и Свята́го Ду́ха, ныне и присно и во веки веков.

Чтец: Аминь.

И тропари сия:

Спаси́, Господи, лю́ди Твоя́ и благослови́ досто́яние Твое́: победы́ на сопроти́вныя да́руя, и Твое́ сохраня́я Кресто́м Твои́м жи́тельство.

Слава Отцѹ и Сыну и Святому Духу.

Вознесѣ́йся на Крест во́лею, тезоимени́тому Твоему́ но́вому жи́тельству щедро́ты Твоя́ да́руй, Христе́ Бо́же: возвесели́ нас силою Твоею, победы́ да́я нам на сопоста́ты, посóбие иму́щим Твое́ ору́жие ми́ра, непобеди́мую победу́.

И ныне и присно и во веки веков. Аминь.

Предстательство страшное и непостыдное, не прѣзри, Благая, моли́тв на́ших, Всепе́тая Богоро́дице, утверди́ правосла́вных жи́тельство, спаси́ ве́рныя лю́ди Твоя́ и пода́ждь им с небесе́ побѣду, зане́ родила́ еси́ Бо́га, еди́на Благослове́нная.

Священник: Помілуй нас, Бо́же, по вели́цей мі́лости Твое́й, мо́лим Ти ся, услы́ши и поми́луй.

Лик: Го́споди, поми́луй. (Трижды.)

Еще́ мо́лимся о Вели́ком Госпо́дине и отце́ на́шем Святе́йшем Патриа́рхе Кири́лле и о Госпо́дине на́шем Преосвяще́ннейшем епи́сCOPE (или: архиепи́сCOPE, или: митрополи́те, **имя, егоже есть область**) и о все́й во Христѣ бра́тии на́шей.

Лик: Го́споди, поми́луй. (Трижды.)

Еще́ мо́лимся о Богохрани́мей стране́ на́шей, власте́х и во́инстве ея́, да ти́хое и безмо́лвное жити́е поживѣм во вся́ком благоче́стии и чистоте́.

Лик: Го́споди, поми́луй. (Трижды.)

Еще́ мо́лимся за всю бра́тию и за вся христиа́ны.

Лик: Го́споди, поми́луй. (Трижды.)

Священник: Яко́ ми́лостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прі́сно и во ве́ки веко́в.

Лик: Ами́нь.

И́менем Госпо́дним благослови́, о́тче.

Священник: Сла́ва Святе́й и Единосу́щней и Животворя́щей и Неразде́льной Трои́це всегда́, ны́не и прі́сно и во ве́ки веко́в.

Лик: Ами́нь.

Чтец глаголет шестопсалмие (псалмы 3, 37, 62, 87, 102, 142).

Сла́ва в вы́шних Бо́гу, и на земли́ мир, в челове́цех благоволе́ние. (Трижды.)

Го́споди, устне́ мой отвѣрзеши, и уста́ моя́ возвестя́т хвалу́ Твою́. (Дважды.)

Гбсподи, что ся умно́жиша стужа́ющие ми? Мно́зи воста́ют на мя, мно́зи глаго́лют ду́шѣ моеѣ: несть спасе́ния ему в Бо́же его. Ты же, Гбсподи, Засту́пник мой еси́, сла́ва моя и возно́сѣй главу́ мою. Гла́сом моим ко Гбсподу воззва́х, и услы́ша мя от горы́ святы́я Своеѣ. Аз усну́х, и спях, воста́х, я́ко Господь засту́пит мя. Не убою́ся от тем люде́й, о́крест напа́дающих на мя. Воскресни́, Гбсподи, спаси́ мя, Бо́же мой, я́ко Ты порази́л еси́ вся вражду́ющие ми всѣе: зу́бы грѣшников сокруши́л еси́. Господне есть спасе́ние, и на лю́дех Твои́х благослове́ние Твое.

Аз усну́х, и спях, воста́х, я́ко Господь засту́пит мя.

Гбсподи, да не я́ростию Твое́ю обличи́ши мене́, ниже́ гне́вом Твои́м нака́жеша мене́. Я́ко стрѣлы Твоя унзо́ша во мне, и утверди́л еси́ на мне ру́ку Твою. Нестъ исцеле́ния в плóти моеѣ от лица́ гнева́ Твоего, несть ми́ра в костѣх моих от лица́ грех моих. Я́ко беззакóния моя превзыдо́ша главу́ мою, я́ко брѣмя тяжкое отяготѣша на мне. Возсмерде́ша и согни́ша ра́ны моя от лица́ безу́мия моего́. Пострада́х и сляко́хся до конца́, весь день се́туя хождáх. Я́ко лядвия моя напо́лнишася поругáний, и несть исцеле́ния в плóти моеѣ. Озло́блен бых и смири́хся до зела́, рыка́х от въздыхáния се́рдца моего́. Гбсподи, пред Тобою все желáние мое, и въздыхáние мое от Тебе не утайся. Се́рдце мое смяте́ся, оста́ви мя си́ла моя, и свет óчию мо́ею, и той несть со мною. Друзи́ мои и и́скреннии мои прѣ́мо мне прибли́жишася и ста́ша, и бли́жнии мои отдалече́ мене́ ста́ша, и нужда́хуся и́щущии ду́шу мою, и и́щущии злая мне глаго́лаху суетная и льсти́вным весь день поучáхуся. Аз же я́ко глух не слы́шах и я́ко нем не отверза́яй уст своих. И бых я́ко чело́век не слы́шай и не имы́й во устѣх своих обли́чения. Я́ко на Тя, Гбсподи, упова́х, Ты услы́шиши, Гбсподи Бо́же мой. Я́ко рех: да не когда́ пора́дуют ми ся врази́ мои: и внегда́ подвижа́тися ногáм моим, на мя велерече́ваша. Я́ко аз на ра́ны гото́в, и болѣзнь моя предо мною́ есть вы́ну. Я́ко беззакóние мое аз возвещу́ и попеку́ся о гресѣ́ моем. Врази́ же мои живу́т и укрепíшася пáче мене́, и умно́жи-

шася ненавидящий мя без правды. Воздающий ми злая воз благая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Боже, Боже мой, к Тебе утреннюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похваляте Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все исказа душу мою, внидут в преисподняя земли, предадутся в руки оружия, части лисовом будут. Царь же возвеселится о Боже, похвалятся всяк кленыйся Им, яко заградилася уста глаголющих неправедная.

На утренних поучахся в Тя, яко был еси Помощник мой, и в крове крилу Твоею возрадуюся.

Прильпе душа моя по Тебе, мене же прият десница Твоя.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. (Трижды.)

Господи, помилуй. (Трижды.)

Слава Отцу и Сыну и Святому Духу, и ныне и присно и во веки веков. Аминь.

И исходит священник от алтаря и глаголет молитвы утренняя тайно, пред святыми дверьми.

Господи Боже спасения моего, во дни воззвах, и в нощи пред Тобою. Да внидет пред Тя молитва моя: приклони уxo

Твое к молѣнію моему, ꙗко испѣлнися зол душѣ моя, и живѣт мой аду приближися. Привменѣн бых с низходящими в ров, бых ꙗко человек без по́мощи, в мѣртвых свободѣ, ꙗко ꙗзвеннии спящии во грѣбе, ихже не помяну́л еси́ ктому́, и ти́и от рукѣ Твоеѣ отринѣвѣни бы́ша. Положи́ша мя в ро́ве преиспѣднем, в тѣмных и сѣни смѣртней. На мне утверди́ся ꙗрость Твоя, и вся во́лны Твоя навѣл еси́ на мя. Уда́лил еси́ зна́емых моих от мене́, положи́ша мя мѣрзость себѣ: прѣдан бых и не исхожда́х. О́чи мои изнемогѣсте от нищеты́, воззва́х к Тебе, Гѣсподи, весь день, воздѣх к Тебе рѣще мои. Еда́ мѣртвыми твори́ши чудеса́? Или́ вра́чеве воскресѣят, и исповѣда́тся Тебѣ? Еда́ пове́сть кто во грѣбе ми́лость Твою, и и́стину Твою в погѣбели? Еда́ позна́на бѣдут во тьме чудеса́ Твоя, и пра́вда Твоя в земли́ забвѣнней? И аз к Тебе, Гѣсподи, воззва́х, и ѹ́тро моли́тва моя предвари́т Тя. Вскѣ́ю, Гѣсподи, отрѣеши ду́шу мою, отвраща́еши лице́ Твое от мене́? Нищ есмь аз, и в трудѣх от ю́ности моеѣ; вознес же ся, смири́хся, и изнемогѣх. На мне преидѣша гнѣви Твои́, устра́шения Твоя возмути́ша мя, обыдо́ша мя ꙗко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых моих от страсте́й.

Гѣсподи Бѣже спасѣния моего́, во дни воззва́х, и в но́щи пред Тобо́ю.

Да вни́дет пред Тя моли́тва моя: приклони́ ѹ́хо Твое к молѣнію моему.

Благослови́, душе́ моя, Гѣспода, и вся внѣ́тренняя моя, и́мя святѣе Его. Благослови́, душе́ моя, Гѣспода, и не забыва́й всех воздая́ний Его, очища́ющаго вся беззакѣ́нія твоя, исцѣля́ющаго вся недѣ́уги твоя, избавля́ющаго от и́стлѣнія живо́т твой, венча́ющаго тя ми́лостію и щедро́тами, исполня́ющаго во благо́их желáние твое: обнові́тся ꙗко брѣ́я ю́ность твоя. Твори́й ми́лостыни Господѣ́, и судьбу́ всем обидимым. Сказа́ пути́ Своя Моисѣ́ови, сыновѣ́м Израі́левым хотѣ́нія Своя. Щедр и ми́лостив Господѣ́, долготерпѣ́лив и многомі́лостив. Не до конца́ прогнѣ́вается, ниже́ в век враждѣ́ет, не по беззакѣ́ніем на́шим сотвори́л есть

нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востокы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет. Яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова престол Свой, и Царство Его всеми обладает. Благословите Господа, вси Ангели Его, сильнии крепостию, творящие слово Его, услышати глас словес Его. Благословите Господа, вся силы Его, слуги Его, творящие волю Его. Благословите Господа, вся дела Его. На всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Господи, услыши молитву мою, внуши моление мое во истине Твоей, услыши мя в правде Твоей: и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвые века. И уны во мне дух мой, во мне смятеся сердце мое. Помянух дни древния, поучихся во всех делах Твоих, в творениях руку Твоею поучахся. Воздох к Тебе рuce мои, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь, вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали ду-

шу мою. И мѣлостию Твоею потребиши врагѣ моя и погубиши вся стужающія душѣ моей, яко аз раб Твой есмь.

Услыши мя, Господи, в правде Твоей и не вниди в суд с рабѣм Твоимъ.

Услыши мя, Господи, в правде Твоей и не вниди в суд с рабѣм Твоимъ.

Дух Твой Благій наставит мя на зѣмлю праву.

Слава Отцѣ и Сыну и Святому Духу, и нынѣ и присно и во вѣки вѣковъ. Аминь.

Аллилуѣа, аллилуѣа, аллилуѣа, слава Тебѣ, Бѣже. **(Трижды.)**

По шестопсалмни ектенія великая:

Міром Господу помѣлимся.

Лик: Господи, помилуй.

О свѣшнем міре и спасѣнии душ наших, Господу помѣлимся.

Лик: Господи, помилуй.

О міре всего міра, благостоянии Святыхъ Бѣжнихъ Церквей, и соединѣнии всехъ, Господу помѣлимся.

Лик: Господи, помилуй.

О святѣмъ храмѣ сем и с вѣрою, благоговѣнием и страхомъ Бѣжимъ входящихъ вонь, Господу помѣлимся.

Лик: Господи, помилуй.

О Великомъ Господинѣ и отцѣ нашемъ Святейшемъ Патриархе Кириллѣ и о Господинѣ нашемъ Преосвященнейшемъ епископѣ **(или: архиепископѣ, или: митрополитѣ, имя, егоже есть область)**, честнѣмъ пресвитерствѣ, во Христѣ діаконствѣ, о всемъ причтѣ и людѣхъ, Господу помѣлимся.

Лик: Господи, помилуй.

О Богохранимѣй странѣ нашей, властѣхъ и воинствѣ ея, Господу помѣлимся.

Лик: Господи, помилуй.

О градѣ семъ, всякомъ градѣ, странѣ и вѣрою живущихъ в нихъ, Господу помѣлимся.

Лик: Господи, помилуй.

О благоустроении воздушных, о изобилии плодов земных и временех мирных, Господу помолимся.

Лик: Господи, помилуй.

О плавающих, путешествующих, недугующих, страждущих, плененных и о спасении их, Господу помолимся.

Лик: Господи, помилуй.

О избавитися нам от всякия скорби, гнева и нужды, Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благою.

Лик: Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

Лик: Аминь.

И возглашает диакон, еще есть, или священник (по гласу Октоиха):

Аллилуиа, аллилуиа, аллилуиа.

Стих 1: От нощи утренюет дух мой к Тебе, Боже, зане свет повеления Твоя на земли.

Лик: Аллилуиа, аллилуиа, аллилуиа.

Стих 2: Правде научитесь, живущии на земли.

Лик: Аллилуиа, аллилуиа, аллилуиа.

Стих 3: Зависть примет люди ненаказанные.

Лик: Аллилуиа, аллилуиа, аллилуиа.

Стих 4: Приложи им зла, Господи, приложи зла славным земли.

Лик: Аллилуиа, аллилуиа, аллилуиа.

Чтец глаголет Троичны Октоиха прилучившагося гласа (зри Приложение).

По первом тропаре лик поет:

Свят, Свят, Свят еси, Бóже наш, моли́твами святы́х апóс-тол Твои́х, и святы́теля Никола́я, поми́луй нас.

По втором:

Свят, Свят, Свят еси, Бóже наш, моли́твами всех святы́х Твои́х поми́луй нас.

По третьем:

Свят, Свят, Свят еси, Бóже, Богоро́дицею поми́луй нас.

Лик: Гóсподи, поми́луй. (Трижды.)

Сла́ва Отцу́ и Сы́ну и Свято́му Ду́ху.

Чтец: И ны́не и прýсно и во ве́ки веко́в. Ами́нь.

И читется кафисма 6-я.

Псалом Давиду, в воспоминание о субботе, 37.

Гóсподи, да не я́ростию Твое́ю обличи́ши мене́, ниже́ гне́вом Твоим нака́жеша мене́. Я́ко стрéлы Твоя унзо́ша во мене́, и утверди́л еси́ на мене́ ру́ку Твою́. Нестъ исцелéния в плóти моей от лица́ гнéва Твоего́, несть ми́ра в костéх моих от лица́ грех моих. Я́ко беззакóния моя превзыдо́ша главú мою́, я́ко брéмя тяжкое отяготéша на мене́. Возсмердéша и согни́ша рáны моя от лица́ безúмия моего́. Пострада́х и сляко́хся до конца́, весь день сéтуя хожда́х. Я́ко лядвия моя напóлнишася поругáний, и несть исцелéния в плóти моей. Озло́блен бых и смири́хся до зела́, рыка́х от въздыхáния сéрдца моего́. Гóсподи, пред Тобою́ все желáние мое, и въздыхáние мое от Тебе́ не утайся. Сéрдце мое смятéся, оста́ви мя си́ла моя, и свет óчию мое́ю, и той несть со мною́. Дрúзи мои́ и ýскреннии мои́ прýмо мне прибли́жишася и ста́ша, и бли́жнии мои́ отдалéче мене́ ста́ша, и нужда́хуся ýщущии ду́шу мою́, и ýщущии злáя мне глаго́лаху сýетная и льстивным весь день поучáхуся. Аз же я́ко глух не слы́шах и я́ко нем не отверзáяй уст своих. И бых я́ко человек не слы́шай и не имýй во устéх своих обличéния. Я́ко на Тя, Гóсподи, упова́х, Ты услы́шиши, Гóсподи Бóже мой. Я́ко рех: да не когда́ порáдуют ми ся врази́ мои: и внегда́ подвижа́тися ногáм моим, на мя велерéчеваша. Я́ко аз на рáны гото́в и болéзнь моя́ предо мною́ есть вы́ну.

Яко беззаконіе мое аз возвещу́ и попеку́ся о гресѣ моем. Вразі же мои живу́т и укрепі́шася па́че менѣ, и умно́жис-
шася ненави́дящий мя без пра́вды. Воздаю́щими ми зла́я воз
блага́я оболга́ху мя, зане́ гоня́х благосты́ню. Не оста́ви
менѣ, Го́споди Бо́же мой, не отступі́ от менѣ. Вонмі́ в
по́мощь мою, Го́споди спасе́ния моего.

В конец Идифуму, песнь Давиду, 38.

Рѣх: сохраню́ пути́ мой, е́же не согреша́ти ми́ язы́ком
мои́м: положи́х усто́м мои́м храни́ло, внегда́ воста́ти грѣш-
ному́ предо мно́ю. Онемѣх и смири́хся, и умолча́х от благ, и
болѣзнь моя́ обнові́ся. Согре́яся се́рдце моѣ во мне, и в
поуче́нии моем разгори́тся огнь. Глаго́лах язы́ком мои́м:
скажи́ ми, Го́споди, кончи́ну мою́ и число́ дней моих, ко́е
есть? Да разумѣю́, что лишáюся аз. Се пѣди положи́л еси́
дни моя, и соста́в мой я́ко ничто́же пред Тобо́ю, о́баче вся-
ческая суе́та всяк челове́к живы́й. У́бо о́бразом ходит
челове́к, о́баче все́е мятѣ́ся: сокро́виществуе́т, и не ве́сть,
ко́му собере́т я́. И ны́не кто терпе́ние мое, не Госпо́дь ли?
И соста́в мой от Тебе́ есть. От всех беззаконі́й моих изба́ви
мя, поноше́ние безу́мному дал мя еси́. Онемѣх и не отвер-
зо́х уст моих, я́ко Ты сотвори́л еси́. Отста́ви от менѣ́ раны́
Твоя́: от кре́пости бо руки́ Твоея́ аз исчезо́х. Во обличе́ни-
их о беззаконі́и наказа́л еси́ челове́ка и иста́ял еси́, я́ко
паучи́ну, ду́шу его́: о́баче все́е всяк челове́к. Услы́ши мо-
ли́тву мою, Го́споди, и моле́ние мое внуши́, слез моих не
премолчи́: я́ко пресе́льник аз есмь у Тебе́ и пришле́ц, я́ко-
же вси отцы́ мои. Осла́би ми, да почи́ю, прѣ́жде да́же не
оты́ду, и ктому́ не бу́ду.

В конец, псалом Давиду, 39.

Терпя́, потерпе́х Го́спода, и вня́т ми, и услы́ша моли́тву
мою. И возведе́ мя от ро́ва страсте́й, и от бре́ния ти́ны,
и поста́ви на ка́мени но́зе мои, и испра́ви стопы́ моя, и вло-
жи́ во уста́ моя песнь но́ву, пе́ние Бо́гу на́шему. У́зрят мно́-
зи и убо́ятся, и упова́ют на Го́спода. Блаже́н муж, е́му́же
есть и́мя Госпо́дне упова́ние его́, и не призре́ в суе́ты
и неистовле́ния ло́жная. Мно́га сотвори́л еси́ Ты, Го́споди,

Бѣже мой, чудеса Твоя, и помышлѣніем Твоим несть кто уподѣбится Тебѣ: возвестѣх и глаголах, умножишася паче числа. Жертвы и приношенія не восхотѣх еси, тѣло же свершил ми еси, всесожженій и о гресѣ не взыскал еси. Тогда рех: се прииду, в главѣзне книжне писано есть о мне: еже сотворити волю Твою, Бѣже мой, восхотѣх, и закон Твой посреде чрева моего. Благовестѣх правду в цѣркви велицей, се устнам моим не возбраню: Господи, Ты разумел еси. Правду Твою не скрех в сѣрдце моем, истину Твою и спасеніе Твое рех, не скрех милость Твою и истину Твою от сонма многа. Ты же, Господи, не удали щедрот Твоих от мене: милость Твоя и истина Твоя выну да заступите мя. Яко одержаша мя злая, имже несть числа, постигоша мя беззаконія моя, и не возмогох зрѣти, умножишася паче влас главы моея, и сѣрдце мое остави мя. Благоволи, Господи, избавити мя: Господи, во еже помощи ми вонми. Да постыдятся и посрамятся вкупе ищущи души мою изъяти ю, да возвратятся вспять и постыдятся хотящии ми злая. Да приимут абие студ свой глаголющии ми: благоже, благоже. Да возрадуются и возвеселятся о Тебѣ вси ищущи Тебѣ, Господи, и да рекут выну: да возвеличится Господь, любящии спасеніе Твое. Аз же нищ есмь и убог, Господь попечется о мне. Помощник мой и Защититель мой еси Ты, Бѣже мой, не закоси.

Слава Отцу и Сыну и Святому Духу.

Лик: И ныне и присно и во веки веков. Аминь.

Аллилуиа, аллилуиа, аллилуиа, слава Тебѣ, Бѣже. (Трижды.)

Господи, помилуй. (Трижды.)

Слава Отцу и Сыну и Святому Духу.

Чтец: И ныне и присно и во веки веков. Аминь.

В конец, псалом Давиду, 40.

Блажен разумеаяй на нища и убога, в день лют избавит его Господь. Господь да сохранит его, и живит его, и да ублажит его на земли, и да не предаст его в руки врагов его. Господь да поможет ему на одре болезни его: все лже

его обрати́л еси́ в болѣзни его. Аз рѣх: Гбсподи, помилуй мя, исцели́ дѹшу мою, ꙗко согреших Ти. Вразі́ мои рѣша мне злая́: когда́ ѹмрет и погібнет ѿмя его? И вхождаше видети, всѹе глаго́лаше сѣрдце его, собра́ беззаконіе себѣ, исхождаше вон и глаго́лаше вкѹпе. На мя шепта́ху вси вразі́ мои, на мя помышля́ху злая́ мне. Сло́во законопрестѹпное возложи́ша на мя: еда́ спяй не приложі́т воскресну́ти? Ибо́ человекъ міра моего́, на него́же упова́х, ядый хлѣбы моя, возвели́чи на мя запинаніе. Ты же, Гбсподи, помилуй мя, и возста́ви мя, и возда́м им. В сем позна́х, ꙗко восхотѣ́л мя еси́, ꙗко не возра́дуется враг мой о мне. Мене́ же за незло́бие приѹл и утверди́л мя еси́ пред Тобою в век. Благословѣ́н Господь Бог Израі́лев от вѣка и до вѣка: бу́ди, бу́ди.

**В конец, в разум сынов Кореовых,
псалом Давиду, не надписан у еврей, 41.**

И́мже о́бразом жела́ет елѣнь на исто́чники водны́я, си́це жела́ет душа́ моя к Тебе, Ббже. Возжа́да душа́ моя к Ббгу Кре́пкому, Живому: когда́ приидѹ и явлю́ся лицу́ Ббжию? Бы́ша слѣзы моя́ мне хлѣб день и но́щь, внегда́ глаго́латися мне на всяк день: где́ есть Бог твой? Сія́ помяну́х, и изли́ях на мя дѹшу мою, ꙗко пройду́ в мѣсто селѣ́ния дѣ́вна, да́же до до́му Ббжия, во гла́се ра́дования и испове́дания, шу́ма прѣздно́ющаго. Вскѹю прискорбна́ еси́, душе́ моя? И вскѹю смуща́еши мя? Упова́й на Ббга, ꙗко испове́мся Ему, спасѣ́ние лица́ моего, и Бог мой. Ко́ мне самому́ душа́ моя́ смяте́ся: сего́ ра́ди помяну́х Тя от земли́ Иорда́нски и Ермоні́йски, от горы́ ма́лыя. Бе́здна бе́здну призы́вает во гла́се хля́бий Твоих, вся высоты́ Твоя и во́лны Твоя на́ мне преидо́ша. В день запо́вѣсть Господь ми́лость Свою, и но́щию песнь Его́ от мене́, моли́тва Ббгу живота́ моего́. Реку́ Ббгу: Застѹпник мой еси́, почто́ мя забы́л еси́? И вскѹю се́туя хожду́, внегда́ оскорбля́ет враг? Внегда́ сокруша́тися костѣ́м моим, поноша́ху ми вразі́ мои, внегда́ глаго́лати им мне на всяк день: где́ есть Бог твой? Вскѹю прискорбна́ еси́, душе́ моя? И вскѹю смуща́еши мя?

Упова́й на Бо́га, я́ко испове́мся Ему, спасе́ние лица́ моего, и Бог мой.

Псалом Давиду, не надписан у еврей, 42.

Суди́ ми, Бо́же, и разреши́ прю мою́: от язы́ка непрепо́добна, от челове́ка неправедна и лъсти́ва изба́ви мя. Зане́ Ты еси́, Бо́же, кре́пость моя, вскю́ю отри́нул мя еси́? И вскю́ю се́туя хожду́, внегда́ оскорбля́ет враг? Посли́ свет Твой и и́стину Твою, та мя наста́виста и введо́ста мя в го́ру святу́ю Твою и в селе́ния Твоя. И вни́ду к же́ртвеннику Бо́жию, к Бо́гу веселя́щему ю́ность мою, испове́мся Тебе в гúслех, Бо́же, Бо́же мой. Вскю́ю приско́рбна еси́, душе́ моя? И вскю́ю смуща́еши мя? Упова́й на Бо́га, я́ко испове́мся Ему, спасе́ние лица́ моего, и Бог мой.

Сла́ва Отцу́ и Сы́ну и Свято́му Ду́ху.

Лик: И ны́не и при́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. (Трижды.)

Го́споди, поми́луй. (Трижды.)

Сла́ва Отцу́ и Сы́ну и Свято́му Ду́ху.

Чтец: И ны́не и при́сно и во ве́ки веко́в. Ами́нь.

В конец, сынов Кореовых, в разум, 43.

Бо́же, уши́ма на́шими услы́шахом, и отцы́ наши возве́сти́ша нам де́ло, е́же соде́лал еси́ во днех их, во днех дре́вних. Рука́ Твоя язы́ки потреби́, и насади́л я еси́, озло́бил еси́ лю́ди, и изгна́л еси́ я. Не бо мече́м своим насле́диша зе́млю, и мы́шца их не спасе́ их, но десни́ца Твоя, и мы́шца Твоя, и просвеще́ние лица́ Твоего, я́ко благоволи́л еси́ в них. Ты еси́ Сам Царь мой и Бог мой, запове́даяй спасе́ния Иа́ковля. О Тебе враги́ на́ша избоде́м ро́ги, и о и́мени Твоем уничи́жим востаю́щия на ны. Не на лук бо мой упова́ю, и меч мой не спасе́т мене́. Спасл бо еси́ нас от стужа́ющих нам, и ненави́дящих нас посрами́л еси́. О Бо́же похва́лимся весь день, и о и́мени Твоем испове́мыся во век. Ны́не же отри́нул еси́ и посрами́л еси́ нас, и не изы́деши, Бо́же, в си́лах наших. Возврати́л еси́ нас вспять при вразе́х наших, и ненави́дящии нас расхища́ху себе. Дал

еси нас яко овцы снѣди, и во языцех разсѣял ны еси. Отдал еси люди Твоя без цены, и не бе множество в восклицаниих наших. Положил еси нас поношение сосѣдом нашим, подражѣние и поруганіе сущим окрест нас. Положил еси нас в прѣтчу во языцех, покиванію главы в людех. Весь день срам мой предо мною есть, и студ лица моего покрымя от гласа поношающаго и оклеветашающаго, от лица вражия и изгоняющаго. Сія вся приидоша на ны, и не забудом Тебе, и не неправдовахом в завете Твоем. И не отступі вспять сѣрдце наше, и уклонил еси стези наша от путі Твоего. Яко смирил еси нас на мѣсте озлобленія, и прикры ны сень смѣртная. Аще забудом имя Бѣга нашего и аще воздѣхом руки наша к бѣгу чуждѣму, не Бог ли възыщет сих? Той бо вѣсть тайная сѣрдца. Зане Тебе ради умерщвляемся весь день, вменихомся яко овцы заколенія. Востани, вскую спиши, Господи? Воскресни и не отрини до конца. Вскую лице Твое отвращаеши? Забываеши нищету нашу и скорбь нашу? Яко смирися в персть души наша, прильпе земли утроба наша. Воскресни, Господи, помози нам и избави нас имене ради Твоего.

**В конец, о изменяемых сыном Кореовым,
в разум, песнь о возлюбленном, 44.**

Отрыгну сѣрдце мое слово благо, глаголю аз дела моя царѣви: язык мой трость книжника скорописца. Красен добротою паче сыновъ человеческих, излися благодать во устнахъ Твоихъ, сего ради благослови Тя Бог во век. Препояши меч Твой по бедре Твоей, Сильне, красотою Твоею и добротою Твоею, и наляцы, и успевай, и царствуй истины ради и кротости, и правды, и наставит Тя дивно десница Твоя. Стрѣлы Твоя изошрѣны, Сильне, людие под Тобою падутъ в сѣрдцы врагъ царѣвыхъ. Престолъ Твой, Боже, в векъ века: жезлъ правости, жезлъ Царствія Твоего. Возлюбил еси правду и возненавидел еси беззаконіе, сего ради помѣла Ты, Бѣже, Бог Твой елеемъ радости, паче причастникъ Твоихъ. Смирна и стѣкти и касіа от ризъ Твоихъ, от тяжестей слононыхъ, из нихже возвеселиша Тя. Дщѣри царей в чѣсти

Твоей, предста Царіца одеснѹю Тебе, в рїзах позлащённых одѣяна, преиспещрена. Слыши, Дщи, и виждь, и приклоні́ у́хо Твое, и забуди́ люди Твоя́, и дом отца́ Твоего. И возжелает Царь доброты Твоея: зане́ Той есть Господь Твой, и поклоні́шися Ему. И дщи Тірова с да́ры: лицу́ Твоему помобля́тся богати́и лю́дстии. Вся сла́ва Дщере Царевы́ внутрь, рясны златы́ми одѣяна и преиспещрена. Приве́дуться Царю́ де́вы вслед Ея́, іскренни́я Ея́ приве́дуться Тебе. Приве́дуться в весе́лии и ра́довании, введе́тся в храм Царев. Вме́сто отец Твоих бы́ша сынове Твои: поста́виши я́ князи по всей землі́. Помяну́ імя Твое во всяком ро́де и ро́де. Сего́ ра́ди лю́дие испове́дятся Тебе в век, и во век ве́ка.

В конец, о сынех Кореовых, о тайных, псалом 45.

Бог нам Прибе́жище и Сі́ла, Помо́щник в ско́рбех, обрѣ́тших ны зело́. Сего́ ра́ди не убой́мся, внегда́ смуща́ется земля́ и прелага́ются го́ры в сердца́ морская́. Возшумѣ́ша и смято́шася во́ды их, смято́шася го́ры крѣпостию Его. Ре́чная устремле́ния веселя́т град Бо́жий: освяти́л есть селе́ние Свое Вы́шний. Бог посреде́ его, и не подви́жится: помóжет ему Бог у́тро зау́тра. Смято́шася язы́цы, уклони́шася ца́рствія: даде́ глас Свой Вы́шний, подви́жеся земля́. Господь сил с нами, Засту́пник наш Бог Иа́ковль. Прииді́те и ви́дите дела́ Божія, я́же положи́ чудеса́ на землі́: отъе́мля бра́ни до коне́ц землі́, лук сокруши́т, и сло́мит ору́жие, и щиты́ сожже́т огнем. Упраздни́тесь и разуме́йте, я́ко Аз есмь Бог: вознесу́ся во язы́цех, вознесу́ся на землі́. Господь сил с нами, Засту́пник наш Бог Иа́ковль.

Сла́ва Отцу́ и Сы́ну и Свято́му Ду́ху, и ны́не и прі́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. **(Трижды.)**

Го́споди, поми́луй. **(Трижды.)**

Таже, седа́льны апосто́льстии Октоиха прилучивша́гося гласа (зри Приложение). Аще же прилучится Минеи свя́тый, имейя́ кондак, мучени́чен Октоиха (зри Приложение)



СОДЕРЖАНИЕ

В четверг

Последование утрени	5
Последование часов	64
Последование вечерни	105
Последование великого повечерия	125

В пятницу

Последование утрени	160
Последование часов	212
Последование вечерни и литургии Преждеосвященных Даров	247
Последование великого повечерия	274

В субботу

Последование утрени	295
---------------------------	-----

Приложение

Песни Троичны и светильны	353
Седальны Октоиха	358
О порядке служб седмичных дней Великого поста	370
Последование вечерни	377
Последование утрени	380

